

金匱懸解

黃氏醫書八種



金匱懸解卷十四

內傷雜病

痰飲欬嗽

昌邑黃元御坤載著

痰飲欬嗽者肺腎之病也而根原於土虛蓋化水者氣也其職在肺化氣者水也其職在腎陽衰土濕則肺失清降而氣不化水腎失溫升而水不化氣於是痰飲作矣痰飲濁瘀肺氣不布隔礙壅阻於是欬嗽生焉治欬嗽者去其痰飲治痰飲者培其土氣培土氣者疏木而泄水綠水侮木賊中氣濕寒此痰飲欬嗽所由來也然則苓桂朮甘實爲痰飲主方自此而化裁之溫涼補泄意良法周雖百慮而不一致實同歸而非殊途也後世庸工凡臨欬嗽必用清潤至於滋濕伐陽茫然不知至久而土崩人亡未有幸脫者百試不驗而千古皆同此輩心不可鑿也

痰飲一

問曰夫飲有四何謂也師曰有痰飲有懸飲有溢飲有支飲

痰飲之處所不同名目亦殊義詳下章

痰飲二

問曰四飲何以爲異師曰其人素盛今瘦水走腸間漑漑有聲謂之痰飲飲後水流在腸下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息氣短不得臥其形如腫謂之支飲

其人素日肌肉豐盛今忽瘦削此由脾虛不能化穀食宿水停肌肉不生也水走腸間漑漑有聲如此謂之痰飲飲之行走於心下小腸之間者也飲後水流脇下欬唾鼓動牽引作痛如此謂之懸飲飲之空懸

於肝膽之經者也。飲水流行歸於四肢，當化汗外泄而不得汗出，水浸肢節，身體疼痛，如此謂之溢飲。之流溢於四末者也。欬嗽氣逆，倚物布息，氣道短促，不得眠臥，榮衛鬱迫，其形如腫，如此謂之支飲。飲之支結於膽經而傷及肺藏者也。

痰飲二

支飲或左或右，或右偏而不正，如樹木之枝在木幹之傍，在左則右倚物息，在右則左倚物息，以足少陽之經下胸貫膈而循脇，位在胸側，水飲阻隔，膈經不降，逆衝肺部，肺無布息之地，故咳嗽不降也。

水在心，心下堅築，短氣惡水，不欲飲水。水在肺，吐涎沫，欲飲水。水在脾，少氣身重。水在肝，脇下支滿，噎而痛，水在腎，心下悸。

水在心，火敗水凌，濁陰壅塞，心下堅痞，動築，氣息短促，惡水不欲飲。水在肺，氣滯津凝，吐涎沫而欲飲水。水在脾，陽衰濕旺，少氣而身重，水在肝，經氣迫急，脇下支結，滿硬，噎而振動，鼓衝作痛，水在腎，木鬱風搖，心下動悸。蓋飲食入胃，脾陽蒸動，化為精氣，上歸於肺，肺金清和，將此精氣散布於五臟六腑十二經絡之中，而經絡藏府皆得受氣。氣降則化水，水升又化氣，水之在上，氣方化而未盛，故氣多而水少，其象如霧。氣之在下，水方化而未盛，故水多而氣少，其形如瀆。在上之水有清有濁，清者化而為神氣，內歸於心；肺濁者外泄而為汗，在下之水有精有粗，精者化而為精血，內歸於腎，肝粗者外滲而為溺。至於脾胃濕盛而陽虛，則氣水不化，凝而為痰飲。痰者，氣不化水，薰蒸於上而凝結者也；故其質厚，飲者，水不化氣，淫洩於下而停痰者也。故其質薄，痰飲之作，雖由於肺腎之陽虛，而實原於脾胃之濕盛。後世庸工，乃有濕痰燥痰之說，不通極矣。

痰飲四

夫心下有留飲，其人背寒冷如掌大。



心下火位而留飲居之是寒水之凌君火也太陽寒水之經行身之背其人背後寒冷正對心位其大如掌也留飲卽痰飲之停留者上自心下下至小腸停留不散是謂諸飲之宗如水木之原本也自此而留於脇下則爲懸飲歸於四肢則爲溢飲結於胸旁則爲支飲是謂諸飲之支如水木之支派也

痰飲五

留飲者脇下痛引缺盆欬嗽則轉甚

足少陽之經自缺盆而入脇裏足厥陰之經自少腹而布脇肋脇下痛引缺盆者飲阻少陽之經經氣不舒故痛引缺盆欬嗽則經脈振動是以痛甚此飲之留於脇下而在肝膽之經者所謂懸飲也

痰飲六

胸中有留飲其人短氣而渴四肢歷節痛

飲阻竅隧肺無降路津液凝滯故短氣而渴濕流關節故四肢歷節煩痛此飲之自胸膈而流四肢者所謂溢飲也

痰飲七

痰飲七

脈沉者有留飲

火浮水沉自然之性也

痰飲八

膈上病痰滿喘欬吐則發寒熱背痛腰疼目泣自出其人振振身劇必有伏飲

膈上痰飲阻碍肺氣壅滿喘促欬嗽是土濕而胃逆也一日痰氣上湧嘔吐發作胃氣逆升則太陽不降

太陽寒水之經氣鬱遏榮衛易位則發熱而惡寒榮陰束其衛中之陽是以發熱惡寒太陽行身之背逆而不降經氣壅迫

故脊背痛胃逆則脾陷肝木抑遏陷於水位是以腰痛腎位於腰是謂水位肝竅於目腎主五液入肝為淚木鬱風動肝液升泄故目淚自出風木搖動故振振而瞶劇如此必有伏飲緣飲伏濕旺土木雙鬱是以見證如此

痰飲九

夫病人飲水多必暴喘滿凡食少飲多水停心下甚者則悸微者短氣脉雙弦者寒也皆大下後裏虛脉偏弦者飲也

病人陽虛濕旺火升作渴飲水一多不能消化水阻肺氣必生喘滿凡土虛食少而飲水多者水停心下鬱其水氣甚者木鬱風動則生瞶悸微者肺金阻隔必苦短氣水旺木鬱其脉必弦弦為木氣應見於左關若兩關雙弦者是水寒土濕木氣不達乙木鬱於左關而不升甲木鬱於右關而不降此皆大下後之虛脉若一手偏弦者此必飲邪之偏在一方鬱其木氣也蓋飲泛土濕木氣必鬱生氣不達故見弦象在左偏弦者飲在脾土在右偏弦者飲在胃土也雙弦即偏弦之重者徵則偏弦甚則雙弦實同原也

痰飲十

脉弦數有寒飲冬夏難治

弦數者少陽甲木不降主少陽膽相火逆升其下必有寒飲鬱格冬時水旺下寒陽氣不升夏而水衰然相火升泄

下寒愈劇皆難治也

痰飲十一

肺飲不弦但苦喘短氣

肺病痰飲金能勝木故脉不弦但苦痰飲阻碍喘促短氣耳

痰飲十二

支飲亦喘而不能臥加短氣其脉平也

支飲亦飲之偏結於肺部者故喘不能臥加以短氣其脉亦平而不弦也

痰飲十三

脉浮而細滑傷飲

水飲在中鬱格陽氣升浮不歸故如循貫珠累累聯屬流利不停其診曰細而其中實挺格之象水旺陰盛是以脉細

痰飲十四

病痰飲者當以溫藥和之

痰飲水寒土濕火涼金寒精氣壅鬱所作當以溫藥和之寒消濕化自然渙解蓋土不得火濕氣滋生此痰飲化生之原也土濕則土不生金痰凝於心胸下不制水飲聚於腸胃肺冷故氣不化水熏蒸而爲痰腎寒故水不化氣停痰而爲飲是以當溫也

痰飲十五

心下有痰飲胸脇支滿目眩苓桂朮甘湯主之

心下有痰飲停於胃口土濕水鬱膽經莫降故胸脇偏支脹滿目珠暈眩以君相同氣甲木失根君相飛騰神魂浮蕩無所歸宿是以發眩目者神魂之開竅故眩見於目苓桂朮甘湯朮甘補中而燥土苓桂泄水而疏木也

苓桂朮甘湯 九十二



南京中醫藥大學圖書館藏

扶苓 四兩 桂枝 三兩 白朮 三兩 甘草 二兩

右四味以水六升煮取三升分溫三服小便則利

痰飲十六

夫短氣有微飲當從小便去之苓桂朮甘湯主之腎氣丸亦主之

方在消渴

微飲阻隔肺金不降是以短氣此緣土濕木鬱不能泄水當從小便去其水飲飲去而土燥則肺斂而氣降矣苓桂朮甘湯朮甘補中而燥土苓桂泄水而疏木可以主之腎氣丸丹地澤苓清風而泄濕附桂柔積煖水而榮木亦可以主之也

痰飲十七

病者脉伏其人欲自利利反快雖利心下續堅滿此爲留飲欲去故也甘遂半夏湯主之

留飲在下故脉伏而欲自利若利反捷快是留飲下行腸胃滋濡也雖水隨利下心下猶續續堅滿以水下未盡濁陰不得遺消然已非從前痞結之象此爲留飲欲去故稍覺鬆軟也甘遂半夏湯甘遂半夏泄水而滌飲甘草芍藥培土而泄木蜂蜜滑腸而行水也

甘遂半夏湯 九十三

甘遂 大者三枚 半夏 十二枚 以水一斗芍藥 五枚 甘草 一枚

煮取半升去滓

右四味以水二升煮取半升去滓以蜜半斤合藥汁煎取八合頓服之

痰飲十八

腹滿口舌乾燥此腸間有水氣己椒瀝黃丸主之

腸間有水阻遏中氣升降不行是以腹滿君相逆升故口舌乾燥己椒瀝黃丸防己椒目泄濕而行水葶

懸大黃滯流而決壅也

己椒瀝黃丸 九十四

防己

椒目

葶藶

大黃 各一兩

右四味末之蜜丸如梧子大先食飲服一丸日三服稍增口中有津液渴者加芒硝半兩

痰飲十九

脈沉而弦者懸飲內痛病懸飲者十棗湯主之

水寒木鬱則脈沉而弦法當懸飲在脇欬唾引痛病懸飲者木旺土虛不能行水宜扶土而泄水十棗湯

十棗湯 九十五

芫花

甘遂

大戟 各等分

右三味搗篩以水一升五合先煮肥大棗十枚取八合去滓內藥末強人服一錢七贏人服半錢匕平旦溫服之不下者明日更加半錢匕得快利後糜粥自養

痰飲二十

病溢飲者當發其汗大青龍湯主之小青龍湯亦主之

水歸四肢當汗不汗而成溢飲病溢飲者當發其汗其陽氣鬱阻而肺熱者宜大青龍湯石膏麻桂清金而泄榮衛杏仁生薑利肺而泄逆氣甘草大棗培土而補脾精也其陰氣衝逆而肺寒者宜小青龍湯麻

桂芍藥發表而泄榮衛甘草半夏補中而降胃氣薑辛五味溫肺而下衝逆也

大青龍湯 九十六



麻黃六兩 去節 桂枝二兩 去皮 石膏如雞子大 碎一枚 杏仁四十枚 去皮尖 生薑三兩 甘草二兩 炙 大棗十二枚

右七味以水九升先煮麻黃減三升去上沫內諸藥煮取三升去滓溫服一升取微汗汗多者溫粉撲之

小青龍湯 九十七

麻黃三兩 桂枝三兩 芍藥三兩 甘草三兩 炙 半夏半升 細辛三兩 乾薑三兩 五味子半升

右八味以水一斗先煮麻黃減二升去上沫內諸藥煮取三升去滓溫服一升

痰飲二十一

膈間支飲其人喘滿心下痞堅面色黧黑其脉沉緊得之數十日醫吐下之不愈木防己湯主之虛者即愈實者三日復發復與之不愈者宜木防己湯去石膏加茯苓芒硝湯主之

土濕胃逆不能行水故停飲胸膈阻隔肺氣喘促壅滿臍胃填塞甲木莫降故盤結胃口心下痞堅水旺木鬱不能外華故面色黧黑其脉沉緊木防己湯人參桂枝補中而疏木防己石膏泄水而清金也邪虛者病在膈間得之即愈邪實者土濕木鬱而生下熱暫時雖愈三日復發復與此湯不愈者宜木防己湯去石膏之清上熱加茯苓以泄下濕芒硝以清下熱也其面色黧黑者靈樞經脉足少陽厥陰之經病則面塵脫色蓋木主五色入心為赤入腎為黑以肝木藏血而華色木華則陽火發露而光華木枯則陰水鬱埋而晦黑木者水母而子火火明而水黯故也得之數十日醫吐下而不愈者支飲粘痰濕熱纏綿非用防己石膏不能泄也實者三日復發以濕熱在下病根伏留而不去也

木防己湯 九十八

防己三兩 石膏雞子大 十二枚 人參四兩 桂枝三兩



右四味以水六升煮取二升分溫再服

木防己去石膏加茯苓芒硝湯

九十九

防己三兩人參四兩桂枝三兩茯苓四兩芒硝三分

右五味以水六升煮取二升去滓內芒硝再微煎分溫再服微利則愈

痰飲二十二

假令瘦人臍下有悸吐涎沫而顛眩此水也五苓散主之

瘦人氣弱不能消水水停木鬱風動根搖故臍下振悸肺氣不降津液淫蒸故湧吐涎沫君相失根神亂旋轉故顛眩暈此緣水泛而土濕五苓散二苓澤瀉利水而泄濕白朮桂枝燥土而疏木也

五苓散一百方見傷寒太陽

茯苓十八銖豬苓十八銖澤瀉六銖白朮十八銖桂枝半兩

右五味爲末白飲服方寸匕日三服多服暖水汗出愈

痰飲二十三

卒嘔吐心下痞膈間有水眩悸者小半夏加茯苓湯主之

卒然嘔吐心下痞悶膈間有水頭眩心悸者小半夏加茯苓湯半夏生薑降逆而止嘔茯苓泄水而消滿也

小半夏加茯苓湯一百一

半夏一升生薑半升茯苓四兩

右三味以水七升煮取一升五合分溫再服



痰飲二十四

心下有支飲其人苦冒眩澤瀉湯主之

飲停心下陽不歸根升浮旋轉則生冒眩此由土敗水侮故支飲上停澤瀉湯白朮補中而燥土澤瀉利水而排飲也

澤瀉湯一百二

澤瀉五兩 白朮二兩

右二味以水二升煮取一升分溫再服

痰飲二十五

嘔家本渴渴者爲欲解今反不渴心下有支飲故也小半夏湯主之

嘔家津液燥動本當發渴渴者爲飲去而欲解也今嘔吐之後反不作渴此心下有支飲隔阻君相之火逆刑肺金是以作渴渴而飲水不能消受是以作嘔新水雖吐而支飲未去是以嘔後不渴小半夏湯半夏生薑降衝逆而排水飲也

小半夏湯一百三

半夏一升 生薑半斤

右二味以水七升煮取一升半分溫再服

痰飲二十六

先渴後嘔爲水停心下此屬飲家小半夏加茯苓湯主之

水停心下火升作渴飲而新水又停是以作嘔



南京中醫藥大學圖書館藏

痰飲二十七

支飲胸滿者厚朴大黃湯主之

支飲居臍肺之部清氣鬱阻胸膈壅滿此由胃土壅塞絕其降路也厚朴大黃湯枳朴降逆而消滿大黃泄胃而通瘀也

厚朴大黃湯一百四

厚朴一尺枳實四枚大黃六兩

右三味以水五升煮取二升分溫再服

痰飲二十八

支飲不得息葶藶大棗瀉肺湯主之

支飲壅阻肺氣不得喘息葶藶大棗瀉肺湯葶藶瀉飲而利肺氣大棗保土而補脾精也

湯方見肺癰

痰飲二十九

欬家其脉弦爲有水十棗湯主之

欬家脉弦此爲有水緣土濕木鬱是以脉弦疏泄不行是有水宜十棗湯補土而泄水也

痰飲三十

夫有支飲家欬煩胸中痛者不卒死至一百日或一歲宜十棗湯

欬煩胸痛者支飲阻隔臍肺不降也其病雖久而支飲未去猶宜十棗湯也

痰飲三十一



久欬數虛其脉弱者可治實大數者死其脉虛者必苦胃其人本有支飲在胸中故也治屬飲家

久嗽數歲是肺胃之常逆也其脉弱者土金未敗猶爲可治實大數者肺胃上逆陽氣絕根土敗於甲木金敗於相火是以死也其脉虛者必苦胃以其人本有支飲在胸中格其陽氣故也治法屬之飲家

痰飲欬嗽三十二

欬逆倚息不得臥小青龍湯主之

欬嗽氣逆倚物布息不得眠臥此支飲在胸膈氣阻而不降也宜小青龍湯麻黃桂芍發汗而泄水五味薑辛下氣而止欬甘草半夏補中而降逆也

痰飲欬嗽三十三

青龍湯汗已多唾口燥寸脉沉尺脉微手足厥逆氣從少腹上衝胸咽手足瘳其面翕然如醉狀因復下流陰股小便難時復胃者與茯苓桂枝甘草五味湯治其氣衝

青龍湯服下之後若多唾口燥寸脉沉而尺脉微手足厥逆氣從少腹上衝胸咽是汗後亡陽而風木鬱衝也傷寒汗後陽亡土濕水寒木鬱風動則發奔豚此亦奔豚之大意也多唾口燥者風木耗精而肺氣上薰也寸沉而尺微上下之陽俱虛也手足厥逆土敗而四肢失溫也氣從少腹上衝胸咽風木之上奔也其面翕然如醉狀因復下流陰股陽明循面下行風木鬱衝陽明逆行故面熱升已而降則流陰股手足瘳者汗泄血中溫氣經絡閉塞而不行也小便難者土濕木鬱不能疏泄也時復胃者飲阻陽氣升浮無根也此宜與茯苓桂枝五味甘草湯治其氣衝茯苓桂枝泄水而下乙木之衝甘草五味培土而降辛金之逆也

茯苓桂枝甘草五味湯

西王

茯苓

四兩

桂枝

四兩
去皮

五味子

半升

甘草

三兩
炙

右四味以水八升煮取三升去滓分溫三服

痰飲欬嗽三十四

衝氣即低而反更欬胸滿者用桂苓五味甘草湯去桂加乾薑細辛以治其欬滿

服桂苓五味甘草後衝氣即低而反更欬嗽而胸滿者乙木雖降而辛金更逆也用桂苓五味甘草去桂加乾薑細辛利肺而降逆以治其欬滿也

苓甘五味薑辛湯

百六

茯苓

四兩

乾薑

三兩

五味子

半斤

甘草

三兩

細辛

三兩

右五味以水八升煮取三升去滓溫服半升日三服

痰飲欬嗽三十五

欬滿即止而更復渴衝氣復發者以細辛乾薑為熱藥也服之當遂渴而渴反止者為支飲也支飲者法當胃冒者必嘔嘔者復內半夏以去其飲茯苓桂枝五味甘草湯去甘草桂枝加細辛乾薑半夏湯主之

服苓甘五味薑細後欬滿即止設其更覺復渴衝氣復發者以細辛乾薑本為熱藥服之熱傷肺津應當逐時作渴津亡燥動風木乃發乃渴反止者此為支飲內停也支飲格其陽氣法當昏冒胃氣升逆必作嘔吐嘔者復內半夏以去其水飲而止嘔吐也

茯苓甘草五味加乾薑細辛半夏湯

百七

水去茯苓

四兩

甘草

二兩

五味

半斤

乾薑

二兩

細辛

二兩

半夏

半升

右六味以水八升煮取三升去滓溫服半升日三服



痰飲欬嗽三十六

水去嘔止其人形腫者加杏仁主之其證應內麻黃以其人逆痹故不內之若逆而內之者必厥所以然者以其人血虛麻黃發其陽故也

服苓甘五味薑辛半夏後水去嘔止其人形腫者此衛氣之鬱宜加杏仁利肺壅而泄衛鬱腫家應內麻黃以泄衛鬱以其人服小青龍後陽隨汗泄手足麻痺故不內之若逆而內之者必手足厥冷所以然者以汗泄血中溫氣其人陰中之陽已虛麻黃復泄其血中之陽氣故也

苓甘五味加薑辛半夏杏仁湯

百八

茯苓

四兩

甘草

三兩

五味子

半斤

乾薑

三兩

細辛

三兩

半夏

半升

杏仁

半升

去皮尖

右七味以水一斗煮取三升法滓溫服半升日三服

痰飲欬嗽三十七

若面熱如醉此爲胃熱上衝靈其而加大黃以利之

服小青龍後其面翕然如醉此胃熱上衝靈蒸其面若服苓甘五味薑辛杏仁之後此證猶存宜加大黃以利之則胃熱清矣

苓甘五味加薑辛半夏大黃湯

百九

茯苓

四兩

甘草

三兩

五味子

半升

乾薑

三兩

細辛

三兩

半夏

半升

杏仁

半升

大黃

三兩

右八味以水一斗煮取三升去滓溫服一升日三服

附方

外臺茯苓飲



治心胸中有停痰宿水自吐出水後心胸間虛氣滿不能食消痰氣令能食

茯苓^{三兩} 人參^{三兩} 白朮^{三兩} 枳實^{二兩} 橘皮^{二兩} 生薑^{二兩}

右六味以水六升煮取一升八合分溫三服如人行八九里進之



南京中醫藥大學圖書館藏

金匱懸解卷十四終

